

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05) u skladu sa izmjenom Odluke o usvajanju Programa utroška sredstava sa kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2025. godinu Federalnom ministarstvu kulture i sporta – Federalnom ministarstvu kulture i športa ("Službene novine Federacije BiH", broj: 89/25), federalna ministrica kulture i sporta objavljuje:

## **JAVNI POZIV**

za odabir programa i projekata koji će se sufinansirati iz Budžeta Federacije Bosne i Hercegovine u 2025. godini

Sredstva za sufinansiranje programa i projekata dodjeljivaće se u skladu sa izmjenom Odluke o usvajanju Programa utroška sredstava sa kriterijima raspodjele sredstava - tekući transferi drugim nivoima vlasti i fondovima – Transfer za sport od značaja za Federaciju utvrđenog Budžetom Federacije Bosne i Hercegovine za 2025. godinu Federalnom ministarstvu kulture i sporta - Federalnom ministarstvu kulture i športa.

## **TRANSFER ZA SPORT OD ZNAČAJA ZA FEDERACIJU**

### **I. Odabir programa i projekata vršiće se za sljedeću namjenu:**

#### **Prioritetno područje:**

#### **1.Sufinansiranje aktivnosti sportskih udruženja i klubova koji okupljaju djecu i mlade do 18 godina**

Sredstva će se dodjeljivati u rasponu od 5.000,00 KM do 10.000,00 KM

### **II. Cilj javnog poziva**

Cilj Javnog poziva je podrška projektima i programa u području sporta koji:

- pružaju institucionalnu i finansijsku podršku sportskim udruženjima od značaja za FBiH i BiH
- podržavaju nastupe sportista iz FBiH na međunarodnim takmičenjima i
- podržavaju projekte koji afirmišu polnu ravnopravnost u sportu.

### **III. Pravo podnošenja zahtjeva**

Pravo podnošenja zahtjeva na ovaj Javni poziv imaju sportske organizacije, klubovi, udruženja koji okupljaju djecu i mlade do 18 godina u Federaciji Bosne i Hercegovine, sem privatnih organizacija osnovanih sa ciljem ostvarenja profita, a koji nisu dobili

sredstva iz bilo kojeg transfera Federalnog ministarstva kulture i sporta u 2025. godini. Aplikirati ne mogu ni aplikanti koji su dobili finansijsku potporu kroz konkurs iz dijela prihoda ostvarenih na osnovu naknada za priređivanje igara na sreću.

**Finansiraće se projekti koji su započeli i realizovaće se u 2025. godini.**

#### **IV. Opšti i posebni kriteriji za raspodjelu sredstava programa**

„Sufinansiranje aktivnosti sportskih udruženja i klubova za djecu i mlade“

##### **Opšti kriteriji:**

1. Registracija udruženja/kлуба
2. Sve aktivnosti moraju biti usmjerene prema djeci i mladima
3. Mjerljiva i dokaziva provedba projekta/programa u skladu sa Zakonom o mladima FBiH
4. Aplikant mora biti nestranačka i nevladina organizacija
5. Transparentnost projekta
6. Racionalno korištenje sredstava.

##### **Posebni kriteriji:**

1. Aktivnosti usmjerene na zdravlje i razvoj djece i mladih
2. Uključenost socijalno osjetljivih grupa
3. Kvalifikacija trenera
4. Saradnja sa drugim institucijama i organizacijama
5. Podsticanje jednakosti i inkluzije
6. Podrška održivosti programa
7. Inovativan i kreativan pristup
8. Doprinos stvaranju jednakih prava i mogućnosti učestvovanja u sportu bez obzira na pol

#### **V. Dokumentacija**

Obavezna dokumentacija i dokumentacija za posebne kriterije po prioritetnom području dostavlja se numerisana istim slijedom kako je navedeno. Numeriše se svaki papir/stranica redom i mora biti **spiralno uvezana** u cjelinu.

Dokumentacija koja ne bude uvezana i numerisana na prethodno navedeni način **neće biti uzeta u razmatranje** i smatraće se formalno-pravno neispravnom.

**Obavezna dokumentacija:**

1. Prijavni obrazac (elektronski popunjen, potpisan i ovjeren pečatom pravnog lica, dostupan na web stranici Ministarstva) (original)
2. Uvjerenje o poreznoj registraciji – Identifikacioni broj (original ili ovjerena kopija)
3. Rješenje o razvrstavanju - klasifikacija djelatnosti (kopija)
4. Uvjerenje Poreske uprave o izmirenim poreskim obavezama aplikanta ne starije od šest mjeseca do dana objave javnog poziva (original ili ovjerena kopija)
5. Aktuelni izvod iz registra, ne stariji od šest mjeseci do dana objave Javnog poziva (original ili kopija ovjerena u opštini ili u notarskom uredu)
6. Potvrda od banke ne starija od tri mjeseca od dana objave javnog poziva (original ili ovjerena kopija), u kojoj je navedeno:
  - a) da račun nije blokiran
  - b) broj transakcionog računa
  - c) ID broj korisnika
7. Bilans stanja i bilans uspjeha ili račun prihoda i rashoda za 2024. godinu sa vidljivim pečatom Finansijsko-informatičke agencije (FIA). Subjekti registrovani u 2025. nisu obavezni dostavljati Bilans stanja i Bilans uspjeha (original ili ovjerena kopija).

**Dodatna dokumentacija:**

1. Kopija registracije udruženja/kluba (ovjerena kopija nadležne opštinske službe)
2. Usvojen Plan i program sportskih aktivnosti za djecu (original)
3. Dokazi o rezultatima i uspjesima na različitim nivoima takmičenja (potvrde iz matičnog strukovnog saveza (ovjerena kopija nadležne opštinske službe)
4. Uvjerenje – dokaz o broju do sada održanih sportskih manifestacija i uspjesima iz različitih takmičenja izdan od strukovnog saveza (original ili ovjerena kopija nadležne opštinske službe)
5. Potvrda o uzrastu članova sa iznosom mjesečne članarine (original ili ovjerena kopija nadležne opštinske službe)
6. Statut ili potvrda koja dokazuje da je udruženje/klub nestranačka i nevladina organizacija (original ili ovjerena kopija nadležne opštinske službe)
7. Preporuka ili pisma podrške projektu od relevantnih institucija sa navedenim aktivnostima koje uključuju ravnopravnost polova i inkluziju kroz projekt (škole, sportske organizacije) – original

8. Izvještaj o rezultatima i utrošku sredstava iz prethodnih godina (original ili ovjerena kopija nadležne opštinske službe)
9. Opis inovativnih i kreativnih pristupa u planovima i programima udruženja/kluba sa preporukama koje potvrđuju inovativnost (original)
10. Potvrda kojom se dokazuju kvalifikacije trenera (original ili ovjerena kopija nadležne opštinske službe)
11. Uvjerenje – dokaz o broju do sada održanih sportskih manifestacija izdan od strukovnog saveza (original ili ovjerena kopija nadležne opštinske službe)

## **VI. Dostavljanje dokumentacije**

Svi zainteresovani aplikanti koji ispunjavaju uslove tražene ovim javnim pozivom svoje programe/projekte zajedno sa zahtjevom kojeg mogu preuzeti na zvaničnoj web stranici: [www.fmks.gov.ba](http://www.fmks.gov.ba), trebaju dostaviti na adresu:

**Federalno ministarstvo kulture i sporta - Federalno ministarstvo kulture i športa**

**NE OTVARATI – ZA JAVNI POZIV „Transfer za sport od značaja za Federaciju – naziv  
prioritetnog područja“**

**Obala Maka Dizdara 2**

**71 000 Sarajevo**

**Na poledini koverta potrebno je navesti naziv pošiljaoca, adresu pošiljaoca,  
kontakt telefon i staviti pečat organizacije.**

Prijave se mogu predati isključivo putem pošte **zaključno sa 11. 12. 2025. godine.**

## NAPUTAK APLIKANTIMA

- Prijavni obrazac mora biti elektronski popunjen, potpisan i ovjeren.
- Prijave koje nisu dostavljene na propisanom obrascu, netačne i nepotpune prijave i prijave koje nisu dostavljene u navedenom roku neće biti razmatrane.
- Potrebno je da aplikant dostavi spisak dokumentacije koju je dostavio uz prijavni obrazac.
- Aplikant je odgovoran za tačnost podataka u prijavi na propisanom obrascu. Ukoliko aplikant pogrešno popuni prijavu ili ne dostavi sve tražene dokumente, smatraće se formalno-pravno neispravnim.
- Aplikant je obavezan upisati naziv prioritetnog područja transfera na koji aplicira.
- Finansijski plan, koji se nalazi unutar prijavnog obrasca, treba biti detaljno razrađen po stavkama. U suprotnom će se prijava smatrati formalno-pravno neispravnom.
- Potvrda banke koja ne sadrži identifikacioni broj aplikanta, transakcioni račun aplikanta i izjavu o aktivnosti računa aplikanta neće biti prihvaćena.
- Aplikant je odgovoran za dostavljanje tačnih podataka. Dostavljeni podaci ne mogu se mijenjati za vrijeme trajanja Javnog poziva.
- U tijeku realizacije projekta bilo koja promjena adrese, broja telefona, promjene kontakta, ovlaštenog lica ili broja računa kod banke, moraju biti dostavljeni u pisanoj formi ovom Ministarstvu. Federalno ministarstvo kulture i sporta neće se smatrati odgovornim u slučaju da ne uspije kontaktirati aplikanta.
- Svi dokumenti moraju biti isključivo na jednom od službenih jezika u Federaciji BiH.
- Ukoliko podnosilac prijave na zatvorenoj koverti ne upiše naziv transfera za koji aplicira, te ne navede naziv podnosioca prijave, adresu i kontakt telefon i ne stavi pečat organizacije, prijava neće biti uzeta u razmatranje.
- **Dokumente je potrebno numerisati na način da se numeriše svaka stranica/ papir redom i da se spiralno uveže kao cjelina.** Numerisanje se vrši redoslijedom kako je navedeno u traženoj dokumentaciji. Dokumentacija koja ne bude uvezana i numerisana na prethodno navedeni način neće biti uzeta u razmatranje i smatraće se formalno-pravno neispravnom.
- Dokazi o realizovanim projektima iz prethodnog perioda koji se neće prihvatati su: fotografije, spisak linkova, CD-ovi, tekstovi objavljeni na društvenim mrežama (Facebook, Instagram, Twitter i sl.), ugovori i odluke o dodjeli sredstava, te drugi dokumenti iz kojih nije jasno vidljivo da je aplikant realizovao projekat.
- Svi dokazi za dodatnu dokumentaciju moraju imati vidljive pečate i potpise ovlaštenih osoba (sporazumi, memorandumu o saradnji, potvrde, preporuke i drugo).
- O rezultatima Javnog poziva aplikanti će biti informisani putem zvanične web stranice <https://fmks.gov.ba>.
- Svaki član Komisije biće isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju

moćnost prijaviti sumnju na postojanje sukoba interesa, o kojem će davalac budžetskih sredstava odlučivati pojedinačno o svakoj prijavi.

- Podnosiocima prijava po Javnom pozivu dopušta se izjavljivanje prigovora u roku od tri (3) dana od dana objave rezultata formalno-pravne ispravnosti podnesenih prijava.
- Dopuna dokumentacije nakon isteka roka za dostavljanje prijava nije dopuštena.
- Revidirane budžete aplikanti koji zadovolje uslove za finansiranje dužni su poslati najkasnije u roku od 48 sati od datuma zaprimanja informacije o dodjeli sredstava.
- Aplikanti koji su zadovoljili uslove za potpisivanje ugovora o dodjeli sredstava dužni su cjelokupnu projektnu dokumentaciju dostaviti skeniranu na USB stiku.
- Aplikanti su prilikom pravljenja sredstava dužni uz printani dokaz dostaviti cjelokupan finansijski izvještaj skeniran na USB stiku.